

覺世寶經中

西彙證

民國二十六年夏

楊壽楨



王陽明先生覺世經原序

先生名守仁仕至兵部尙書兩廣總督勛業
彪炳封新建伯爲明代理學名臣從祀文廟

惟皇陰騭下民咸有恆性恆性者何人所固有之善心也其所以固有者何天命之也是故忠者天所命之正理而邪僻則人心之後起者也孝者天所命之正理而乖忤則人心之後起者也信義天所命之正理而詐僞則人心之後起者也廉節天所命之正理而貪婪則人心之後起者也誠正天所命之正理而淫亂則人心之後起者也自後起之人心與初賦之天心交戰而人心處其勝天心遂處其不勝由此天與日日遠而固有之善性日离
帝君憂天心之不復明而人道亦幾乎息矣爰垂覺世寶經若干言其經深求之通天地陰陽之理細察之在人倫日用之間精而明之得古聖危微之領約而近之在赤子啼笑之真可以維綱常之大可以補名教之全可以救末俗之偷可以爲萬世之準持是經者果能實心敬佩實力遵行則後起之人心可漸除而太古之天心可漸復矣何莫非翼世覺民之至訓哉

覺世經解原序

武帝親解覺世真經解成恭逢

玉皇上天尊親降批曰是經註解詳明真可覺世吾校定後刊刻廣佈願薄海內外率士人民奉而行之使國有賢臣家無逆子同敦廉恥共勵操持鳴鳳在郊托梧桐以興吉士鳴鵠集泮食桑黜而懷好音戒之哉善不積不足以成名惡不積不足以滅身勿以小善爲無益而不爲勿以小惡爲無傷而不去也尙其勉旃

孚佑帝君覺世經解原序

六經四子之書所以覺萬世者也然其道博其言微其義大而精其旨費而隱不特愚夫婦未能通曉卽學士文人亦祇習其文詞而於忠孝節義數大端若罔聞知者甚至諸惡日積衆善日銷上干天怒或削其祿籍或奪其紀算或絕其後嗣作者猶自鳴得意世之可憂可懼可哀可悲莫此爲甚此

關聖覺世真經之所由作也關帝生於漢季生平忠孝兩全節義兼盡浩然之正氣塞兩間炳然之休光燭萬古不但海內黎元馨香俎豆卽在日出月入之區亦無不服其教而畏其神人因敬帝而敬是經童孺咸知叩誦然第誦諸口而

不維於心。帝覺世之苦心沒矣。今年秋八月上浣降三畏書屋親爲解釋。既大聲疾呼。覺之以經復縷析條分。覺之以註澄心細玩。息慮深求。則帝憂世懼世哀世悲世之心畢露於數千百言之內。俾世之聾者振世之瞶者啓世之夢者醒夫忠孝節義百行之原萬化之所從出也。人果忠孝節義自然衆善奉行可以爲賢人爲聖人得。帝覺世之意。帝豈不佑之乎。人不忠孝節義亦祇爲庸人爲愚人失。帝覺世之意。帝其佑之乎。夫覺世亦多術矣。要皆本上天好生之心擴與人爲善之量也。此經立意與太上感應篇相表裏而一種忠義神勇之氣寓於慈祥惻怛之中。洵足以承孔孟之遺經而輔堯舜之治法。得今日逐節親解是程朱再生而臯夔復起。非天下之至神其孰能與於斯。惟願見斯經者其體帝垂憫蒼生之大德而不負。帝詳明訓解之深恩。則天下萬世幸甚。不然負帝教卽背王章負。帝教卽違國法。陽律易追陰譴難逃。天討昭昭百神其稟不第。帝請試其刀也。吾亦請試吾劍。

文昌帝君覺世經解原序

文章可以名世。謂之經者。萬世不易之常道也。堯舜既沒。聖人之道衰。天生孔子。以覺萬世。而六經四子之書。不絕於天下。孔子沒。子思子獨延道統。以傳於孟子。孟子放邪說。距淫詞。以承各聖。而孔子之經。復廓然而宏於世矣。秦火以後。世變迭興。而經爲之一壞。迄於宋代。文人輩出。箋註遵孔。鄭道學起。程朱微顯闡幽。此經所以再興焉。凡今之人。得以不沒其知覺之良者。豈有他哉。聖人以經覺之於先。諸賢以經註經。覺之於後。幸而不爲鳥獸草木之世界也。然聖人教人之法。勸與懲兼。用國家治民之法。恩與威相成。關夫子覺世真經之所爲作也。夫子生於漢之叔世。立功炎鼎。矢節銜鬚。節義兼全。忠孝無憾。上帝命掌伏魔之柄。兼司宣教之權。遂降筆於明末。是經所由傳也。夫經曰。覺世。此聖人以先知覺後知。以先覺覺後覺之意也。夫子以忠孝節義爲先知。先覺則其所以覺後知。後覺者。舍忠孝節義。別無所爲覺也。蓋忠孝節義。人生於天。夫子得天獨厚。浩然之氣。充塞兩間。發爲文章。可以聳羣邪。降妖癘。懼亂賊。而呼醒世間之夢夢。

矣。然夫子威震華夷。畏敬者多。而輒未能親承訓示。歲庚子。歲甲辰。吾適奉上帝命。勸世人。卽以丹桂籍一書於四川湖廣兩次親解。逐句諄諄切切。諸神共蒙垂序。夫子與焉。今年春。諸子有求。武帝親解覺世真經之願。現經。夫子註畢。披閱一週。其詞嚴其義正。其爲旨也微。而顯其爲道也中。而庸春秋之筆削。風雅之褒譏。無乎不備。無乎不包。非夫子不能有是經。非夫子不能有是解。此解以後。經義了然。覺世之心彰。覺世之功大。凡百君子。能將是書身體而力行。之覺一已之覺。以覺萬人之覺。廣布而遠施之覺。一世之覺。以覺萬世之覺。覺之不已。將天下後世日出善人。輾轉相覺。則唐虞三代之遺風。復見於叔季。吾願人覺其心。以積陰功。而符陰騭。吾與武帝兩心俱慰矣。是書果能篤志集成。刊刻廣布。善莫大焉。福莫量焉。是爲序。

覺世寶經中西彙證序文一

福善禍淫之說由來舊矣。易傳曰：積善之家必有余慶，積不善之家必有余殃。又曰：善不積，不足成名；惡不積，不足滅身。書曰：惠迪吉，從逆凶。惟影響春秋傳：閔子馬曰：禍福無門，惟人所召。此豈迷信哉？氣之所感應也。一家皆和順，孝弟謹信，子孫飲其善氣，有不賢智者乎？一家皆乖戾，叫囂隳突，子孫飲其惡氣，有不冥頑者乎？推諸一國亦然。古之聖賢，常養其善氣，以善國性，故洪範曰：饗用五福，威用六極。又曰：斂時五福，用敷錫厥庶民。五福者，壽、富、康、甯、好德，考終是也。六極者，短折、疾、憂、貧、惡、弱是也。夫家國由貧而惡，而弱則危，亡有不忍言者。此其孽戰國時爲甚。孟子生其時，目擊殺人流血之慘禍，痛心疾首，爰發明良知，提倡不忍道性，善以善國性，故曰：可以爲善國。其答滕文公之憂齊人築薛，則曰：君子創業垂統，爲可繼也。彊爲善而已矣。豈迂遠而濶於事情哉？國性不善，是以外侮迭乘，人必自侮，而後人侮之。國必自伐，而後人伐之也。

關聖覺世真經文治幼年奉先大夫訓，每日手書一通，至今尙能強憶。丁丑歲友

人楊君章甫以彙證來請爲序。文治何敢辭。夫人所以爲人者。倫也。眞經曰。淫爲萬惡。首孝爲百行。原斯二語。倫紀之本原也。試觀春秋二百四十年間。禍亂相尋。弑君亡國。其禍皆兆於男女之無別。周禮曰。外內亂。鳥獸行。則滅之。淫亂者。鳥獸行也。人違禽獸。不遠天。乃以待禽獸之法。草薙而禽獮之。嗚呼。可痛矣哉。孝者。德之本。教之所由生。孝經一書。昭垂日月。百世不刊。故累代明王。其諡法皆冠以孝。五刑之屬三千。罪莫大于不孝。眞經曰。若負吾教。請試吾刀。正氣凜然。嗚呼。尤可畏哉。尤可畏哉。楊君此書出。所以樹倫紀之大防。其用心良苦矣。抑文治重有進焉。居今之世。正人心爲先務矣。而救人命爲尤急。邇者各省饑饉荐臻。凶荒迭告。天降喪亂。民卒流亡。陝災未已。豫災隨之。豫災未已。蜀災隨之。鴻鴈于飛。哀鳴中澤。老弱婦孺。輾轉溝壑。以死者動以百千萬計。仁人君子。疾首蹙額。欲拯救之。而力有不逮。張子曰。民吾同胞。物吾與也。夫盡同胞同與之量。是爲大同。深望世之讀是書者。上體關聖好生之德。盡心竭力。救民於水火之中。庶幾乎民族復興。大同之治。不在徒託空言。質諸楊君以爲何如也。丁丑孟夏。唐文治謹序。

覺世寶經中西彙證序文二

危微精一虞舜之教也。惠吉逆凶。神禹之謨也。日新又新。成湯之銘也。小心抑畏。姬文之德也。以至大學。憚十目十手之嚴。中庸。慎不覩不聞之地。論語。傳三戒。九思之訓。孟子。垂義利仁暴之箴。自古仁聖賢哲。未有不致力于正心修身而能成。大同邛治之隆。繼往開來之業者也。兩漢重經學。舉賢良方正。舉孝廉茂材。猶有三代上作君。作師。尊經明倫遺意。故賢才霞蔚。風俗敦龐。唐宋以來。行科舉。一變鄉舉里選。興賢興能之古制。其在名門世族。恪奉四子五經。正己化人者固多。而子衿佻達之流。視聖經爲弋取祿利之具。陽奉陰違者尤不可殫數。而士名民風。寢不古若。識者憂之。爰竊取周易神道設教。雅詩不愧屋漏之旨。以自警。警世。無曰高高在上。日監在茲。鬼神之盛德。洋洋乎如在其上。如在其左右。畏天命。兼畏聖言。于是韓魏公。眞西山等。奉行功過格。湯文端。俞曲園等。闡揚感應篇。彭定求。蔣廷錫等。廣布陰騭。文士大夫口誦心維。奉爲圭臬。名教綱常。賴以不墜。覺世經出于明代。王陽明序而行之。有功世道不淺。今章甫叔祖復蒐集中西懿行之最新。

穎可師法者編成覺世寶經中西彙證一書以挽狂救時諸君子鳩貲付印徵序于壽枏。因貢其拙見如此。民國丁丑夏五錫山楊壽枏謹序于北平雲在山房。

覺世寶經中西彙證序文三

舜禹授受十有六言曰人心維危道心維微維精維一允執厥中遏人欲而存天理實萬世心學之淵源厥後仲虺誥湯曰改過不吝克寬克仁曰以義制事以禮制心商湯所以日新其德也師尚父述丹書以戒武王曰敬勝怠者吉怠勝敬者滅義勝欲者從欲勝義者凶武王惕然警懼傳爲子孫法守成周所以致刑錯之治也孔子答顏淵問仁曰非禮勿視非禮勿聽非禮勿言非禮勿動蓋人欲日消則天理日明其在易復之初九嘉顏子不遠之復曰有不善未嘗不知知之未嘗復行此孔門傳授之心法也又孔子贊易之詞曰積善餘慶積不善餘殃曰善積成名惡積滅身蓋天理人欲之消長卽聖狂禍福之分途也學者希賢希聖未有不由于防惡修善者而慎獨與內省乃防惡修善之惟一法門也孟子善養浩然之氣曰是集義所生蓋欲事事皆合于義行有不慊于心則餒矣知過必改見善必爲積之久久浩然正氣自生此孟子之善學孔子也漢昭烈曰勿以善小而不爲勿以惡小而爲之楊忠愍公家訓曰方行一事則思之以爲此事合天理不合

天。理。若。合。天。理。便。行。不。合。天。理。便。止。而。不。行。不。可。爲。分。毫。違。心。害。理。之。事。二。者。皆。深。得。列。聖。防。惡。修。善。之。法。以。至。程。朱。之。學。主。誠。敬。陽。明。之。學。重。良。知。皆。存。理。遏。欲。之。要。道。有。裨。後。學。不。淺。自。歐。風。東。漸。學。校。不。講。四。子。五。經。州。鄉。不。教。孝。悌。忠。信。敦。倫。蔑。聖。災。禍。頻。仍。鍾。鉅悲。憫。情。深。迭。與。二。三。同。志。刊。布。德。育。嘉。話。治。平。統。鑑。等。書。冀。崇。正。學。以。鞏。邦。基。茲。復。竊。取。周。易。神。道。設。教。之。義。刊。布。覺。世。寶。經。中。西。彙。證。一。書。誠。以。

關。聖。精。忠。大。義。秉。正。嫉。邪。卽。孟。子。所。謂。至。大。至。剛。之。氣。充。塞。乎。天。地。之。間。而。是。經。縷。析。條。分。循。循。善。誘。則。又。與。虞。舜。危。微。之。戒。商。湯。日。新。之。銘。周。武。丹。書。之。訓。孔。顏。克。復。爲。仁。之。道。互。相。表。裏。萬。古。昭。垂。鍾。鉅忘。其。謫。陋。謹。擷。取。中。西。故。事。之。合。乎。經。訓。者。分。類。纂。輯。以。明。聖。道。無。古。今。中。外。之。殊。誠。使。舉。國。上。下。人。人。崇。奉。是。經。整。躬。以。率。物。好。善。而。惡。惡。則。唐。虞。三。代。郅。治。之。隆。不。難。再。見。于。今。尙。何。旱。澇。兵。戎。之。紛。紜。不。已。哉。時。在。

中華民國丁丑仲夏之月楊鍾鉅薰沐敬題于藝香書屋

關聖夫子覺世寶經

帝君曰。人生在世。貴盡忠孝節義等事。方於人道無愧。可立於天地之間。若不盡忠孝節義等事。其心已死。身雖在世。是謂偷生。凡人心卽神。神卽心。無愧心。無愧神。若是欺心。便是欺神。故君子三畏四知。以慎其獨。勿謂暗室可欺。屋漏可愧。一動一靜。神明鑒察。十目十手。理所必至。况報應昭昭。不爽毫髮。淫爲萬惡首。孝爲百行原。但有逆理。於心有愧者。勿謂有利而行之。凡有合理。於心無愧者。勿謂無利而不行。若負吾教。請試吾刀。敬天地。禮神明。奉祖先。孝雙親。守王法。重師尊。愛兄弟。信朋友。睦宗族。和鄉鄰。別夫婦。教子孫。時行方便。廣積陰功。救難濟急。恤孤憐貧。創修廟宇。印造經文。捨藥施茶。戒殺放生。造橋修路。矜寡拔困。重粟惜福。排難解紛。捐貲成美。垂訓教人。冤讎解釋。斗秤公平。親近有德。遠避凶人。隱惡揚善。利物利人。回心向道。改過自新。滿腔仁慈。惡念不存。一切善事。信心奉行。人雖不見。神已早聞。加福增壽。添子益孫。災消病愈。禍患不侵。人物咸寧。吉星照臨。若存惡心。不行善事。淫人妻女。破人婚姻。壞人名節。妒人技能。謀人財產。唆人爭訟。損

人利已。肥家潤身。恨天怨地。罵雨呵風。謗聖毀賢。滅像欺神。宰殺牛犬。污穢字紙。恃勢凌善。倚富壓貧。離人骨肉。間人兄弟。不信正道。姦盜邪淫。好尙奢詐。不重儉勤。輕棄五穀。不報有恩。瞞心昧已。大斗小秤。假立邪教。引誘愚人。詭說升天。斂物行淫。明瞞暗騙。橫言曲語。白日咒詛。暗地謀害。不存天理。不順人心。不信報應。引人作惡。不修片善。行諸惡事。官詞口舌。水火盜賊。惡毒瘟疫。生敗產蠹。殺身亡家。男盜女淫。近報在身。遠報子孫。神明鑒察。毫髮不紊。善惡兩途。禍福攸分。行善福報。作惡禍臨。我作斯語。願人奉行。言雖淺近。大益身心。戲侮吾言。斬首分形。有能持誦。消凶聚慶。求子得子。求壽得壽。富貴功名。皆能有成。凡有所求。如意而獲。萬禍雪消。千祥雲集。諸如此福。惟善可致。吾本無私。惟佑善人。衆善奉行。無怠厥志。

覺世寶經中西彙證卷一

無錫楊鍾鈺章甫敬編

同里唐淞源映江恭校
蔣翼歐孫

關聖夫子覺世經解

恭錄上海元益善
書流通處刊本

吾何以覺世哉。古來自聖賢經傳而外。太上道祖以感應篇覺世矣。文昌帝君以陰騭文覺世矣。孚佑帝君以求心篇覺世矣。悉本一片婆心。滿腔熱血。非不言之詳。且至也。奈何世人不覺。誨者諄諄。聽之藐藐。一念之乖。終身莫贖。吾憫之。憂之。緣卽吾之所知。所能者。以覺世。然吾之所知。非斯世所難知。吾之所能。非斯世所難能。亦不過卽吾孩提少長之知能。拳拳服膺而弗失之耳。吾願舉世之有覺者。覺已之所覺。無異於覺。吾之覺。則吾之心。慰卽古來聖賢仙佛之心。亦無不慰。

(案)謹攷

帝以漢桓帝延熹三年。庚子六月二十四日。生於河東解州。志載 帝聖像鳳

眼。蠶。眉。面。色。正。赤。有。七。痣。身。長。九。尺。五。寸。髯。長。一。尺。八。寸。漢。孝。靈。皇。帝。中。平。末。帝。自。解。至。涿。始。事。昭。烈。帝。生。平。事。蹟。有。本。傳。可。考。大。義。參。天。盛。名。蓋。世。身。後。累。世。崇。封。直。與。尼。山。並。峙。矣。帝。之。精。英。疊。見。捍。患。禦。災。普。天。幾。徧。所。禍。惟。淫。所。福。惟。善。降。筆。惟。訓。廣。勸。世。民。此。經。尤。著。按。同。善。錄。載。王。篠。屏。覺。世。經。詩。本。中。引。前。明。王。陽。明。先。生。覺。世。經。序。則。此。經。傳。誦。已。久。刻。是。經。者。屢。彰。靈。驗。不。可。勝。載。歲。已。酉。有。自。湖。南。來。者。得。文。帝。庚。子。孟。冬。降。湖。北。江。夏。縣。張。宅。親。解。陰。隲。文。一。書。歲。庚。戌。復。從。都。中。得。文。帝。甲。辰。四。月。降。四。川。巴。縣。雙。蓮。堂。於。宅。親。解。陰。隲。文。一。書。同。人。中。因。有。求。帝。親。解。覺。世。真。經。之。愿。今。年。八。月。初。六。日。蒙。帝。逐。加。親。解。並。奉。帝。命。於。每。條。下。引。確。當。易。曉。故。實。一。二。項。作。證。又。奉。文。帝。命。廣。佈。以。昭。信。奉。謹。誌。巔。末。於。此。

帝君曰。人生在世。貴盡忠孝節義等事。方於人道無愧。可立於天地之間。

天地之間。人爲貴。然人之所以可貴者。非徒貴其耳能聽。目能視。口能言。手足能持行之謂也。貴其天地之性。人稟之天地之心。人立之則忠孝節義尙焉。是忠孝